

مشرط القلم

در سعادتده باب عالی جاده سنده
اداره مخصوصه
محل اداره :

اضطراب :

مسلك عزيزه موافق آثار جديده مع المنو بنه
قبول اولنور
شرح پندلبي آثار اعاده ارنگلو

دين ، فلسفه ، ادبيات ، حقوق و علوم دن باحث هفته لق رساله در

مؤسلى : ابوالعلا زين العابدين - ح . اشرف اديب

در سعادتده نسخه ي ۵۰ پاره در

در سددده	سنه لکى	التى آيايى
ولا ياتده	۸۰	۴۰
مملك اجنبیه ده	۸۰	۴۰

تاريخ تأسيسى :
۱۱ نموز ۳۲۴

قيرلادن مقوا بورو ايله کوندر يابرسه سنوى
۲۰ غروش فضله آلير

در سعادتده بوسته ايله کوندر يابرسه ولايات بدلى اخدا اولنور.

ایسته‌مه‌مش اولدینی اکلایلماسون . کندیسند او آرزو شدتله موجود ایدی . فقط ملك عثمانیه‌نك تضییق استبداد التده اولدینی غزته‌لرده اوقیوردی . شرفدن کلنلردن ایشیدیوردی . بوجه‌تله عثمانلی اهل عرفانیله سربستهجه ملاقی اوله‌میه‌جغندن ، مبادله افکار علمیه ایده‌میه‌جکندن ، کتبخانه‌لره کیروب نوادر آثار منسوخه‌نی تدقیق وتتبع ایله‌میه‌جکندن امین ایدی . فی‌الواقع امور سیاسیله مشغول اولدیغندن کندیسنك دیگر زوار اجانب کی داعی شبهه بر حالی بولنه‌میه‌جنی طبیعی ایدی . فقط دور سابقده بد خواه اولان اجنبی سیاحتی کی خیر خواه اولان زوار فضائلشعار دخی جاسوس تعجیزندن آزاده‌قاله‌مدیغندن قلبنده عثمانلیلر ایچون حسن نیتدن بشقه بر حسن بسله‌مین کیك حرکات ومعاملاتی دخی سوء تأویله اوغرایه‌جغنده شبهه یوق ایدی . مملکت مزاحوالنك او مقوله فناقلندن آگاه اولان مؤلف ارباب ظلمك قهر اولوب وایدیلوب‌ده وطنم‌زده بر دور حریت آچیلمسنه بزم قدر خواهش کوستر و زیارت ایچون اویله بر دور حریتك کشادینه انتظار ایلردی .

مؤلفك کتبخانه‌سندده بولنان نفیس ویا نادر کافه آثار منسوخه (بریتیش موزه‌نوم) کتبخانه‌عمومی‌سندوقف ایدلیکی کی مالک اولدینی کافه آثار مطبوعه‌نك اورویا لسانلرنده محرر بولنان واحوال شرقیه‌یه دائر اولان نسخه‌لری دخی زوجیه‌سی طرفندن درسمادت انکلتره سفارتی کتبخانه‌سند اهدا اولغشیدی . بویوک ، کوچوک اوچ یوزی متجاوز کتب مطبوعه ترکیه ایسه که یمبرج دارالفنون کتبخانه‌سند ویرلشدر . کرک بو ترکیه کتابلر ، کرک مذکور کتبخانه‌ده اولجه طویلاشمش اولان آثار اسلامییه یه متوفانك زوجیه‌سی طرفندن تبرع ایدیلن اچمه‌مقابلنده استحضار اولنان حجره‌مخصوصه‌ده محافظه اولغشده‌در . دارالفنون کتبخانه‌سی مأمورلری بو حجره‌یه متوفانك نامه نسبتله (Gibb Room) دیورلر . عثمانلی ناشر ومؤلفلری طرفندن دارالفنون مذکور کتبخانه‌سند ایلروده اهداسی مأمول بولنان کتابلر ایله کیب حجره‌سند کی آثار عثمانیه‌نك تزییدی عثمانلیق ایچون موجب شرف بر شی اولور اعتقادنده‌یم .

غ . غ

صبح اذاننده

نا اوزاقلرده غملی زمزمه‌لر
عکس ایدرکن سکونت لیله :
هرطرف پک ملول ، خوابیده !
سینه‌شده آغلا یور هریر ...
.....
یوکسه‌لیر ، یوکسه‌لیر سماواته ،
دوکولور قطره قطره جناته
شهقه قلب ایچنده : لفظ الله !

بو ، قراکله‌ده حایقیران بر آه ،
که سماواته عرض عشق ایلر ...
آریبور صانکه . راه ظلمتده ،
بوجه‌ن حقیر محنتده :
کوکله جنتی ارانه ایدن
بر صدای سلام ، بر رهبر ...
ایستیور صانکه ، هر فغانیه .
روح پرزار تر جانیله :
عمر انسانی متصل کیرن
بتون آلامی تارمار ایتک ،
صوکره ، دنیادن آریلوب کیتک ...

گاه : بکلر طورر ، جواب نجات
برانین جزینله ایکلیدرک ؛
گاه : بردرد نا امید حیات
ایله باغیریر سکوتی دیکلیدرک ...

.....
لکن . جواب کلدی ... مستغرق سکون
عالمه ، کائنات !

ایندی زمینه پک هیجانی ، وپک زبون :
بیکلرجه « الصلات » ...

عنوانه فخری

عبد الحمیدک مملکی

ره‌نستاه مطبعه‌عالی :

[مهر مطبوعات معتبره‌سندن « المنار » مجله جلیله‌سك نسخه‌خیره‌سندن اقتباس اولغشدر .]

عبد الحمیدک خلع مشروعی ، انقلاب مسعود عثمانی

لاهورده منتشر جریده وطن صاحب صدیق‌مزمز مولوی محمد انشاءالله انقلاب عثمانی‌یه دائر بیان تأسفی حاوی بزه ایکی مقاله ارسال ایتمشدرکه بری کندی اثر قلمی اولوب خاهی متعاقب نشر اولنان جریده مذکورنك ایلک نسخه‌سند درج ، دیکری انکلیزجه یازیلوب « ابرور » غزته‌سیله نشر اولغش ؛ مومالیه بومه‌قاله‌لری مطالعه‌ایله بیان رأیمزی آرزو ایتمش اولسنه مبنی هرایکیسینی عیناً جریده‌مزمزه درج ایله تشریح احوالی وظیفه‌عد ایلدک .

سراپا خلاف حقیقت اولان مذکور مقاله‌لر مناره درج اولندقدن صوکره بسط مقدماته شروع ایله اولعصر حاضرده بی‌نهایه مطبوعات ، درلو درلو وسائط استطلاعات بین‌الناس تداول ایدوب طورورکن

عبدالحمیدک دور منحوس سلطنتنده دولت و ملتیز اوج اعلاى ترقی یه می
اصعاد، یوقسه کرداب عمانه می اسقاط اولندیغنی کورورلر. اودور
مشئومده بوتون غوائل و مشکلات مطبوعاتک دینى باغلامق، ارباب
حمیتک بوغازینی صیقمق ایله ستر و اخفا اولئیوردی، شمدی اولانجه
اغتشاش و تذبذب بیله بوتون احوال میدان علانیه چیقدی، رجال
حکومت، وکلای ملت اصلاحنه صرف همت و بذل غیرت ایدیورلر.
الله جمله سنی موفق بیورسون.

مجاهد مذکورده بو اجماله دائر خیلی تفصیلات اعطاسندن صوکر
مقصده شروعه شویله دنیلیور: بو تمهیدات عمومیه دن بعد الفراع
مقاله لرده کی خطیاتی علی التفصیل بیانه بد، ایدیورز.

یالکز مقاله ثانیه نك صدرینه روما امپراطورلرندن یولیوسک
مرثیه سینه دائر شکسپرک بیتلری درجی نایمحل کوره مکده اولدیغمنز کی
برنجی مقاله ده واقع عبدالحمیدک سقوط ناکهانیسندن طولانی عالم
اسلامیتک یأس و ماتمه متعلق ادعاری زائد و بی معنا بولدیغمنز دن
مستغنی جواب عد ایتکده یز. بوکون «لله الفضل والمه» بالجمله عالم
اسلامی عثمانی مدت حیاتنده نائل اولدیغنی سرور بی بیانه مستغرق
اوله رق اعلان شادمانی ایتکده در.

اولا جریده وطنده کی دعاوی عجیبه یی، بعده دیکر مقاله نك احتوا
ایلیکی مبانی سخیفه یی موضوع بحث ایده جکز. صدیق غیورمیزک
مقاله سنده کی احتجاجات اعلان حریت زمانی ایله دور استبداده عائد
اولق اوزره ایکی قسمه منقسم اولمقده در. بونلرک برنجی قسمی
تلخیص ایدنجه عبدالحمیدک مشروطیته، قانون اساسی یه محبت و اخلاصی
مؤید اوله جق وجوه سته دن عبارت بولیورز:

۱ — تموز اونده سفک دماندن تحرز ایله قانون اساسی اعلانه
مبادرت.

۲ — طرفدار مشروطیت اولدیغنی دفعاتله تصریح، یمینه تأکید
همت ایتک.

۳ — مجلس مبعوثانی زیارتله ابراز محبت، سوء تعرضه دائر
حرکاتدن مجانبت ایله مک.

۴ — کندی حراسته مخصوص عساکری ده حربیه نظارتنک امرینه
تابع قلمق، در سعادتده بولونان عساکرک اخراجنه موافقتله روم ایلی
عساکرینک حمایه سینه راضی اولق.

۵ — اون برنسان وقعه سینه قارشى مدافعه یه بالوجوه حائر قدرت
بولندیغنی حالده تشبثاتده بولنماق. بالعکس ییلدیز قصرینه استیلا ایده جک
حرکت اردوسنه تسلیم اولمیرینه دائر عساکر محافظه یه اوامر اصدار
ایتمک.

۶ — مملکت و وطنه اخلاصی تأیید ایچون آوروپا دولترلرندن
برینک حمایه سینه مراجعتدن استنکاف ایله مک. مابعدی کلام جک نسخده.

عالم اسلامیه حالایار و اغیارک اغفالاتنه، اعمال دسائس کونا کونه
میدان ویره جک جهالت استیلا سینه ابراز فرط اسف ایدیش، ثانیاً
هند و مصر و جاوه اهالی اسلامیه سینه دولت علیه متعلق هر خصوصه
حفظ اعتدال و تدقیق احوال و جوبنه دائر و صایای حکیمانه ایراد،
ظواهر احواله قاپیلهرق افراط پرستانه ابراز تمایل مضر اوله جفی کبی
اظهار غیظ و تحامل ده نه کندی حق لرنده. نه ده مرکز جلیل خلافتک
صیانت حقوق و اجبه سی باینده نتایج حسنه حصوله کتیریه جکی ایضاح
اولمشددر. متعاقبده بروجه آتی اداره کلام اولمقده در:

جریده مزک نسخ قدیمه سینه مراجعت ایدنلرک اعترافه مجبور
اوله جق لری اوزره بونوصیه لری بز عالم اسلامیه خطاباً اون سنده نبری
نشر و اعلان ایتکده یز. عبدالحمیدک سیئات ساریه سی تماماً کسب
وضوح ایتمه مش بولندیغنی صره ده بزده حسن ظن ایله بعض مرتبه
تأویلات و مدافعاتده بولنوردق، مؤخرأ حقیقت حال. مقصد و مال
بالوجوه تیقن ایدیش اولمقده سلطان مخلوعک ستایش و مداحیله، ستر
مساویسیله اشتغال آرتق بوسبتون اثر حماقت یا خود تعمداً ایقاع
جنایت عد اولمق اقتضا ایدردی. مع هذا بومسک ناهمواره سالك
اولانلرک آردی آرمه سی کسيلمه یوردی.

ایشته کرک منافع غیر مشروعه، کرک سطحیاته ابتنا قلنان
اجتهادات باطله سائقه سیله جرائد متنوعه طرفدن اشاعه اولنان
اکاذیب و تبلیساتک بوکونده تأثیرات دلخراشانه سی غیر قابل انکار
درجده بولیور.

مدت مدیده دن برو قولاق لری بو درلو یالانلره طولمش
اولان مغفلر سجده شکران ایله تلقی اوله جق انعام عظیم معبودی،
باعث حیات اسلام اولان انقلاب مسعودی خوش کورمیورلر،
تقدیر ایده میورلر، حقائق احوال دن بی خبر قالدق لری جهتله بوتون
امت عثمانیه، رجال علمیه و عسکریه یه سوء ظندن کندی لری نی
آله میورلر.

بونلرک زعم باطللرنجه بوتون عثمانی امتی، ا باب عرفان و حقی،
احرارى و ابرارى، بالجمله جاهیری، اعیانی و مبعوثانی خطایه
قابلمش لر، طریق حق دن چیقمش لر، کافر نمت و جانی دولت
اولمش لره یالکز باشنه عبدالحمید محق و مصیب ایمش. اونلک تحت
سلطنتده بقاسیله دین و دولت محفوظ قالیره ش، زوالیله هربری خطر
عظیمه گرفتار اولوره ش.

«فیالله و لا حول» ای ارباب فکر و انصاف! الله ایچون سویله یك
بوچشید عقللر حیرت کزده پادی اوله یورمی که تام ثلث عصر، اوتوز
اوج سنه مدت ایچنده دین و دولته ذره قدر خدمتی کورلین، بالعکس
دولتک اضمحلالندن، دین مبینک انقراضندن باشقه نتایج وخیمه تولید
ایتمه جکی آشکار بولنان جهاته حصر مساعی ایلین بر حکمدار
مستبدک حامی دین و حارس مسلمین اعتقاد اولمسنه سائی اولیور؟
بویله بر عقله مالک اولانلر بر کرده ده کوزلرینی آچوب باقسه لر